



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1702. usque ad annum 1708

**Fleury, Claude**

**August. Vind. [u.a.], 1781**

**VD18 13322648**

§. 8. Bellica expeditio Cæsaris contra Hispanos & Gallos.

---

[urn:nbn:de:hbz:466:1-67633](https://nbn-resolving.org/urn:nbn:de:hbz:466:1-67633)

Sæc. XVII. „rato examine hæc ipsa caussa sub fel.  
 A. C. 1702. „rec. Innocentio XII. Prædecessore no-  
 „stro expensa fuerit, Nobis tamen ad  
 „Apostolicum munus subinde evocatis  
 „visum est, cogitationes, atque confi-  
 „silia nostra in eundem scopum con-  
 „ferre, ipsamque controversiam ulte-  
 „riori disquisitioni subicere, ut demum,  
 „Deo authore, cujus opem humiliter  
 „exposcimus, & præstolamur, id, quod  
 „Ecclesiæ bono, animarumque Saluti  
 „expedire docebimur, perficere valea-  
 „mus. Majestati itaque Tuæ, quam  
 „in sollicitudine nostra conquieturam  
 „esse non ambigimus, in hoc præser-  
 „tim negotio, quod nullo partium stu-  
 „dio, nullo officiorum genere, urgeri  
 „potest, auspiciis uberis felicitatis  
 „deferimus. „

## §. VIII.

*Bellica expeditio Cæsaris contra Hi-  
spanos & Gallos.*

*Hist. de  
 Princ. Eug.  
 tom. I.  
 Mem. Hist.  
 & Chron.*

Cum bellum hoc anno ad vicinas Pon-  
 tificiæ ditionis regiones consistere  
 videretur, Pontifex Cæsarem, ac Fran-  
 ciæ Regem datis die septima Januarii  
 literis enixe rogabat, quatenus eas  
 inire vellent rationes, quibus Eccle-  
 siasticæ ditionis immunitati, & præser-  
 vationi a bellicis calamitatibus consul-  
 tum

tum foret: Verum fervente bello ejus-  
 modi monitis prævalet aut proprii com-  
 modi, aut hostilis damni ratio: Jam-  
 jam media adhuc hyeme Eugenius  
 Gallos ex Italia proturbare intentus,  
 die decima Februarii per occultum Ur-  
 bis meatum, quem Parochus B. Mariæ  
 Novæ domui suæ, urbisque mænibus  
 adjacentem monstraverat, Cremonam  
 subintravit & quamvis semi-capta  
 jam urbe Gallis numero longe majori-  
 bus cedere coactus esset, secum ta-  
 men quadringentos gregarios, octo-  
 ginta tribunos, & præter quingentos  
 equos & septem vexilla, ipsum Villa-  
 regium Franciæ Marecallum captum  
 abduxit, trucidatis Gallorum mille  
 trecentis: Die autem nona ejusdem  
 Mensis Imperator promulgato edicto  
 Electorem Coloniensem unacum Baro-  
 ne de Karig Cancellario suo Viennam  
 venire jussit, ut de violato juramento,  
 fædere cum Gallis inito, Cæsarei man-  
 dati contemptu, Capituli Decano Gal-  
 lis tradito, receptisque in urbem co-  
 piis rationem redderet: Insuper Cæsar  
 Electoris milites sacramento solvit, &  
 decima quinta Maij pacto cum Anglis  
 Batavis aliisque Imperii Principibus  
 fœdere Franciæ & Hispaniæ Reges Im-  
 perii hostes dixit, eisque bellum de-  
 nuntiavit: vicissim die octava Junii

Sæc. XVII. A. C. 1702. Madriti contra Cæsarem, Anglos, & Batavos, & die septima Julii Parisiis bellum publicatum est. Tum vero utrinque exarsere contendentium studia, ac Vindocinensis Gallici exercitus Dux Mutinam & Regium occupavit, necnon Philippus V. celebratis cum Maria Ludovica Sabaudix Ducis Filia nuptiis, Neapolin contendit, inde vero Mediolanum venit, atque ad oppidum S. Victorix tres legiones Cæsareas improvise aggressus, strage pene æquali Luzaram usque processit, ubi cum Cæsareis pugnam iniit, cujus tamen victoriam sibi utraque pars attribuit: intercepta autem Luzara Vindocinensis Guastallam urbem ad deditionem compulit: Querebatur vehementer apud Mariam Casimiram Poloni Regis Viduam Pontifex, quod hæretici milites exercitus Cæsarei in finibus Mantuanæ Urbis Sacras Hostias detestando sacrilegio profanarint. Postmodum Batavi sub Tyllii & Athlonii Imperio Ruremundam & Leodium occuparunt, ipsum Bufflerium, qui per strategma Noviomagum intercipere parabat, in fugam egerunt, trucidatis Gallorum tribus, & fauciis duobus millibus: Anglica vero classis Batavix juncta Gades tentabat, sed Catholicorum animis ob petulantem Templorum expilationem exulceratis irritò

irrito effectu iter relegere coacta est, Sæc. XVII.  
A. C. 1702.  
Gallicam tamen in portu Vigos simul  
& argenteam Hispanorum classem auro  
argentoque prædivitem die trigesima  
Novembris diripuit, incenditque.

Haud segnius ad supremum Rhe-  
num a fœderatis bellum gerebatur;  
jam enim exeunte Mense Aprili Jose-  
phus Romanorum Rex Landaviam cin-  
xerat, quam urbem unacum arce die  
septima Septembris deditioe cepit,  
vicissim vero Ludovicus Rex Lotha-  
ringiæ Ducatum occupavit, & Maxi-  
milianus Emanuel Bavarix Elector  
Gallorum partes secutus, Ulmam du-  
ctore Bechmanno prætorix legionis  
Tribuno densæ nebulæ beneficio per  
stratagema intercept, simulque Mem-  
minga, Biberaco, aliisque oppidis po-  
titus est: Badensis vero Marchio ad  
Fredelingam, cum Villario certamen  
iniit, ancipiti utrinque victoria: In-  
gruente demum hyemis rigore Bava-  
rus occupatis Burgovia, aliisque quam-  
plurimis oppidis milites suos in hy-  
bernis collocavit.

## §. IX.

*Ludovici de Sousa Cardinalis  
obitus.*

Ex